



TTiPi - TTAPA

BAZTAN - BIDASOA - MALDA ERREKAKO ALDIZKARIA

1986.ko Ekaina

16. zenb.






EVSKARAV. 3.
ASKATV

DEZAGVN 11

NON-ZER

- 2 .-Berriak.
Bera.
- 4 .-Etxalar.
- 6 .-Igantzi.
Arantza.
Lesaka.
- 8 .-Maldaerreka.
- 9 .-Zubieta.
- 13.-Ituren.
- 14.-Erasun.
- 15.-Elgorriaga.
Sunbilla.
- 16.-Narbarte.
- 17.-Baztan.
- 18.-Zugarramurdi.
- 20.-Maldaerreka eta Bortziriko A.E.K.
- 23.-Kaixo Natura, zer moduz zaude?
- 24.-EHNE-Nafarroa
Nekazal Sindikato berri bat.
- 26.-Langabezia Beran, Elkarrizketa.
- 29.-Doneztebeko Pedagoji eztabaida.
- 32.-"Kepa eta Anjelaren" elkarrizketa.
- 33.-Emakumea.
- 34.-Cencerok, Doneztebeko rock taldea.
- 36.-S.O.S.
- 37.-Gutuna.
- 38.-Hauteskundeak direla eta...
- 40.-Udalak galdu, Diputazioak irabazi eta Herria ahuldu...
- 42.-"Venite Adoremus"
- 44.-Amatasunarako aholkuak.
- 45.-Ipuina, "Haur espiritua".
- 46.-Nafarroako Bertsolari Txapelketa.
- 48.-Olerkia, "Aingeru beltza".

Azala: Paulo.



TTIPI-TTAPAKO HARPIDEDUN IZAN ZAITEZ!

IZEN DEITURAK _____
 HELBIDEA _____
 TELEFONOA _____
 HERRIA _____
 PROBINTZIA _____
 BANKU EDO AURREZKI KUTXA _____
 SUKURTSALA _____
 ZENBAKIA _____

SINADURA

URTERAKO HARPIDETZA 1.000 PZTA.

Helbidea: Euskalduna ostatua.
 BERA. NAFARROA.

BERA

● **DIRU LAGUNTZA.** Nafar Gobernuko Nekazaritza eta Abel Hazkuntzarako Departamentuak, diru laguntza ematea erabaki du Gonzalo Errandonea (Malaustekoa) eta Gorostipalako Esteban Errandoneari.

● **BIZTANLEGOA ZAHARTZEN.** Nafarroan aurtan 522.383 biztanle bagara, joan den urtean baino 2.000 gehiago. Ez da horrela gertatu Bidasoa bazterretako zonaldean, joan den urtean baino guttiago baigara. Bakarrik Beran 13 gehiago, totalen 3.617; Baztanen 8.365, 22 iaz baino guttiago, Lesakan 3.053, 21 guttiago, eta Donezteben 1.114 joan den urtean bezala.

● **IKASKETAK EUSKARAZ JARRAITZEA.** 86-87 kurtsurako, Oronotzeko institutoan euskaraz irakasiko da. Honela adierazi du Guillermo Herrerok, Nafar Gobernuko Hezkuntza eta Kultura departamendukoa, Berako irakasle Patxi San Juan, apirilaren 12an idatzitako eskutitza batean. Bai, euskarazko linea hau BUPeko lehen kurtsuan eramango da, bakarrik gaztelera, erdal hizkuntzak eta gimnasia erdaraz irakasiko direlarik; erlijioa ere euskaraz irakasteko, artzapezpikoari, behar den irakaslea eskatzea erabaki dute. Berako eta Elizondoko Lanbide Eskoletan, lehen kurtsuan, guttienez 3 gai euskaraz irakasiko dire. Eskutitz honetan ere erraten da 20 lagun bederen direla behar proiektu hau aintzineratzen.




● **LARUN MENDI TALDEAK** ekainaren hamabortzean Aiaiko Harrietara egin zuen aurtengo azkeneko irteera. Ondoren bazkaria, Ikastolan, urtean zehar parte hartu zutenekin. Aurtan egin dituzten ibilaldiak aipatu ziren: Larun, Askain, San Anton, Kopakarri, Saioa, Bianditz Elizondo, Senpere, Mendaur etab. Heldu den ikastaroaren hasieran jarraitzeko asmoa dute. Berriro ere adierazi nahi dutena zera da: taldea irekita dagoela parte hartu nahi duten guztientzat.

● ADIXKIDETASUNAREN TXAPELKETA.

Oreretako 2 ekipo, Oiartzungoak, Hondarribikoak, Irungoak eta Gure Txokoa, parte hartu zuten joan den Apirilaren 19 eta 20an Futboleko Adiskidetasunaren Txapelketan, Real Union geratu zen txapeldun, Beratarrak bigarren gelditu zirelarik. Nahiz eta denborak ez lagundu jende aunitz bildu zen; finalaren aintzinetik Gure Txokoa dantzari ttikiak, Makil Dantza eta Aurrekua dantzatu zuten.

● **BERAKO LANBIDE ESKOLAN** heldu den kurtsurako matrikula irekia egon da Ekainaren 7raino. Bigarren epe bat irailan irekiko da. Irakasiko diren gaiak: elektrizitatea, mekanika eta administraria. 2. mailako irakaskutza: elektromekanika, eta informatika. Ia bukatzen ari den kurtsu honetan 214 ikasle eta 17 irakasle baldin badaude, datorren kurtsurako 260 ikasle eta 20 irakasle izango dire. Eskola honek eskeintzen ditu bertze zerbiztuen artean: autobusak (lehen mailakoentzako dohainik eta beken bidez, bere gustaria baino merkeago bigarren mailakoentzako), jangela eta 25 neskentzat logelak. Bekak eskatzeko tramiteak eskolan bertan egiten dituzte.

● **LUR PARTIKULARRETAN ARBOLAK LANDATZEKO** Nafar Gobernuak garrantzizko diru laguntzak ematen ditu. Laguntza hauek, batez ere joan den urtean hormatutako pinadienezko da, baina bada baita bertako zuhaitz motaentzako (landaketa berriaren gustariaren erdia). Bi milioi pzta. hartu dezake jabe bakoitzak ordaina eperik gabe egiten delarik.



ETXALAR

●XABIER REMON LIBRE.

Gehien poztu gaitun berria hau-
xe dugu: oraindik juizioaren es-
peroan egon arren, Xabier gure
artean dago berriro. Eta pentsa
zitekeen bezala, benetako algara
sortu du hau jakiteak herri mai-
lan. Erran behar baita, aprezio
handia daukara jendeartean. Hori
dela eta afari bat eginen da ongi
etorria emateko ekainaren hama-
lauean. Hemendik ematen diogu on-
gi etorrikerik beroena. Animo eta
aurrera. Geroa gure eskuetan da-
go.



●KULTUR EGUNAK

Maiatzaren 2, 3, 4 eta 11an ospa-
tu ditugu Kultur Egunak, Etxalar
ko Kultur Taldeak antolatutakoak.
Balantzea edo balorazioa egitera-
koan, guztiz positiboa izan dela
deritzogu. Ze arraio, herri tti-
kiotan jendea elkartzeko holako
ekintzak antolatzeke beti gorai-
patzekoa da. Eta zer erranik ez,
lan hoiak emaitza eta jendearen-
gan sortu duten arrakasta ikusi
ondoren. Bai noski, holako expe-
rientziak indarberritzen gaitu
lanean jarraitzeko. Horra lau e-
gun haletan bete zen programazio-
aren egitaraua:

Osasunari buruzko hitzaldi eta
bideoarekin eman zitzaion hasiera
Hurrengo egunean, larunbata, he-
rri afaria egin zen. Martikorena
abeslaria etorriko zelakoan ginen
baina azken orduan deitu zuen e-
zin zuela azaldu adieraziz. Dena
den jende anitz joan zen afaltze-
ra, 8090. Igandean berriz, azken
lau mendeetan Etxalarko etxe eta
baserrien izenak jasan duten al-
dakuntza eta eboluzioaren berri
ematen digun liburuxkaren aurkez-
pena eta ondoren diapositiba e-
manaldi bat: "Etxalar atzo eta
gaur". Maiatzaren 11an eta kultur
egun hauei amaiera emateko "Ta-
sio" filmaren emanaldia.

●ALKATESAK MUXIN EGIN ZION KULTUR EGUNEI

Kultur egunak zirela medio, di-
ru laguntza eskatu zioten antola-
tzailerek Udalari, aurrekontua bi-
daliz. Hortarako, eskaria egin
eta Udaletxean sarrera eman ondo-
ren, alkatesaren deia jaso zuten
zera adieraziz: ez zuela eskari
hura onartzen, euskara hutsez i-
datzia zegoelako.

Halere, Etxalarko 80 bizilag-
nek izenpetutako bertze eskari
bat bidali zitzaion Udalari, eus-
karazko idazkiak onar ditzaten
eta hemendik aurrera, herrian ba-
natzen dituzten komunikatu guzti-
ak euskaraz eta erdaraz egin di-
tzaten eskatuz.

Beraz firma bilketa hau, pres-
tatzen ari den kanpaina luze bat-
en lehen urratsa izan da. Helbu-
ruea goian aipatutakoa da eta hor-
tarako Kultur Taldea eta Herri
Taldeen ahaleginak jarriko di-
ra.

Hurrengo Ttipi-Ttapan emango di-
zuegu zehaztasun gehiago.



●"FONDA JUANTXO"KO SUKALDEAK EZ DITU OINARRIZKO OSASUN BALDINTZAK BETETZEN.

Hirugarren aldiz adierazi dio
jadanik albaitekoak "Fonda Juan-
txo"ko nagusiari, sukaldeak ez
dituela oinarrizko kondizioak ere
betetzen osasungarritasunari da-
gokionez. Dirudienez oso kondizio
txarretan dago; kisuzko paretak,
keak ateratzeko gailurik gabe eta
nahiko zikina dena. Hori dela e-
ra, alkatesarengana jo du Fonda
honetako nagusiak, Herriko Etxeak
sukaldea berriro diezaion eska-
tuz. Mementu honetan ez dakigu
zein izanen den Herriko Etxearen
erantzuna baina badirudi, alka-
tesa eta Juantxo lagunminak dire-
nez oso tratu berezia eta eskuza-
bala jasoko duela. Holako susmoak
dabilta.



●PINTADA BERRIAK.

Pintadetaz hitzegiterakoan, e-
duki ideologikoa dutenetaz ari
gara, eta... benetan gauza bitxia
da, azken aldi honetan gertatzen
ari dena. Erran beharra da, orain
arte behintzat, pintadak, bertze
ahalmenik ez duten kolektibo, e-
rakunde, marginatu, langile...
azken batean herriar arruntek
erabil dezaketen ekspresio bidea
zela, komunikabide gehienak beti-
koen eskuetan daudenez. Orain al-
diz, herri bazterreko paretak be-
zero aunitz dituzte. Berriak ze-
intzuk diren jakiteko ez dago i-
nongo dudarik; bertan dauden gu-
ardiazibil probokatzailak. Hauek
ere pintadetaz baliatu nahi dute,

A black and white photograph of a crowded street in a town square. A banner hangs across the top of the frame with the text "XA - EUGENIA", "ABIER-GREGORIO", and "ISKATU". A large crowd of people is gathered in the foreground, and buildings line the street in the background.

A detailed black and white woodcut-style illustration of a man's face, heavily textured and framed by dark, leafy foliage on the left and top. The man has a large, expressive eye and a hand near his chin. The background shows stylized clouds.

IGANTZI

● Eskolako moldaketak bukatu dira eta erran digutenez hagitz politak gelditu omen dira. Lehen bi gela haundi eta bi txiki besterik ez ziren. Orain berriz 6 gela eder gelditu dira. Hala ere moldaketa honen berririk hobereena berogailu berria paratu dutela izan da, nere ustez. Nahiko hotz pasatuak gara txikitan oraingo haurrak ere berdin segitzeko.

● SAN JUAN XAR eguna ekainaren 24ean ospatuko da. Ohitura denez besta hau bezperan hasiko da su gainetik salto eta salto. Hurrengo egunean, goizeko 12 etan, meza izanen da eta ondotik jende guztia hiru iturrietara joanen da aurpegia garbitzera. Erraten dutenez ur honek larruko eritasunak sendatzen ditu.

● Igantziko biltoki elkarteak zahirrentzat besta bat antolatu du egun horretarako, egun alaitsu eta ederra pasa dezaten.

● BUP EUSKARAZ. Beharbada hau da ekartzen dizuegu berririk hobereana. Herriko bi neska, Jaione eta Patri, heldu den ikastaroa Euskaraz egin behar baitute. Igantzi, euskara egoera larrian bizi den herrian, holako erabaki bat hartzeak pozten gaitu. Zorionak bie!



ARANTZA



● ARANTZAKO ASTE BUKAERA KULTURALA

Joan den maiatzako lehendabiziko 4 egunetan ospatu da. Ortzegunean gaztetxoek futbito partidua izan zuten Berakoen kontra, aranaztarrek 6-3 irabazi zutelarik. Ortziralean EKBren eskutik "Euskararen egoeraz" hitzaldia izan zen. Larunbatean berriz EHNEkoek "Baserria eta Europako Elkarteari" buruz omen zuten hitzaldia; ondotik afaria izan zen. Igandean mendian barna ibilaldia izan zen, Ekaitzara; Senber Bordan bazkalitzeko. Txanbela taldeak kalejira eskeini zuen herriko karriketan, igande arratsaldean. Zoritxarrez, jende guti parte hartu zuen ekin-tza hauetan.

LESAKAKO UDALETXETIK:

● Lesakako Herriko Etxeak 84 milioietan aurtengo aurrekontua baitzetsi du. 15 egunez egon da tabloian zintzilik ikusi nahi zuenarentzat.

● Kontxita Erro izan da Herriko Etxeak hautatu duen zinegotzia, Irain eskolako Udal ordezkaria izateko.

● Berako bariantearen planoak, jendeak ikusteko moduan egon dire, eta norbaitek zerbait aipatu behar bazuen, alegatzeko epea ematen zen. Horrela egin dute Alkalgako bizilagunek, bariantea beren eremuen barna pasatzen delako. Lesakako Udalak alegazio hauek, eta berak egindako bertze alegazioa, Lesakako arau subsidiarioetan ez dela bariantarik ageri, alegia, Nafar Gobernuari jakinezte erabaki du.



● Udalak, osasun zentruaren bide-etako eta futbol zelai berrirako komentu eta ospitalaren tarteko lurak erosteko, Laminacionesekin tratua egitea erabaki du. Lesakako fabrikak, osasun zentrorako bide-entzat lurak, permutan emanen dituela jakinerazi du.

● Elias Garraida, izena duen Lesakar pintoreak, Udala gonbidatu du, berak Bilbon egin duen erakusketara. Baita opari egin du, Lesakako Udal liburutegirako, Rafael Manzano idatzitako liburu bat.

● Behintzat aurtun Lesakan ez dira izanen asistente sozialarik. Horrela erantzun dio Nafar Gobernuak Lesakako Udalari, bere egunean azken honek egindako eskariari. Berandu dela diote, Herriko Etxeekin akordioak sinatuak daudelako.

LESAKA

●BERRIRO ERE BERTZE ATXILOKETAREN
ISTORIA.

Joan den apirilaren 3an, ortzeguna ilunabarrian, goardia zibilek herkidez jantzita, Iarnoz eta Agorreta irakasleak bizi diren etxea inguratu zuten, azken hau Nafarroako Mezkirizen atxilotua eta gero lixatua baten anaia izan zelako. Maisuak oporretan zeuden eta etziren etxean suertatu. Ondotik karrikan zebiltzenei agiriak eskatzen ibili ziren. Erran behar baita, nahiz eta aspaldidantik Irain ikastetxean lana egin. Patxi Agorreta, aurtengo otsailan Herriko Etxeak O.H.O.ko irakasle izendatu zuela.

Ondotik apirilak 9an Iruiñeako ospitaleen osabidean sartua zegoelarik atxilotu zuten.

Gelan kontu zuten inkomunikatua medikua eta enfermera ez bertze-rik ikusi ahal ez zutelarik, na- hiz eta familia eta Lesakako Uda- la bera saiatu izan. Bitartean kanpoan, eskoletan egunero pro- testa ekintzak egin ziren eta, Irain ikastetxean estrosada gau eta egun.

Igande arratsaldean Lesakan, Irain ikastetxean Bidasoa inguruko berrehunen bat lagun bildu ziren eta manifestazioan ateri. Enparantzara ailegatzean goardia zibilek tiroka sakabanatu zuten jendea. Ondotik goardia zibilek Lesakako zonalde haundi bat okupatu zuten, Herriko Etxe eta koartela inguruko bazterrak, gazte talde batzuekin istiluak sortu zituztelarik. Azkenean herriko goiko aldean, manifestazioa berriro egin zen eta Eusko Gudariak kantatuta bukatu.

Hurrango astean, ospitalean, gela bertan epailearen aintzinean deklaratu ondotik, espetxeko ospitalera eramán zuten. Apirilaren 27an igandea, arratsaldeko 7retan, Irain eskolatik aterita, Lesaka barrera manife-



tazio bat ixilik egin zen. Ekin-
tzak Gobernadorearen baimena zue-
nez gero, inoiz baino jende gehi-
ago bildu zen, nahiz eta denbora
txarra izan, euria eta haizea u-
gari. Bortziriko ikastetxeko zu-
zendariak pankarta eramane zuten;
eta manifestazioa bukatzeko, en-
parantzan idatzi bat irakurri
zen. Idatzi hau "defensor del
pueblo" izendatuari bidali zi-
tzaion. Erran behar baita, karri-
ka bazterretan goardia zibilak
egon zirela, pasatzen zen mani-
festazioaren zain.

● ASTOPUTZA Lesakako kolektiboak rok jaialdian egindako diru zorrak oradaintzeko saldu duen zozketarekin diru nahiko bildu du eta pozik daude. Nahiz eta azken bolaxka honetan nahiko bakoitza bere alde ibili diren, berriz ere lanari lotzekotan eta indar berriekin daude. Orain, Beti-Gazten antzerki saioak egiteko lekua lortu dute, baita bilerak egiteko eskola berrietan gela bat. Ia euskarara itzuli eta antzerkirako egokitu dute. "Haizeak putz egiten duenean" izeneko ingeles komikia. Antton eta Mikaela zaharrak, dire antzerki obra honen pertsonaiak eta gerra nuklearra gainean dutela eta, ia nola babestuko diren, dute elkarriketa. Astoputzakoak borondatea badute.

orain behar dutena zera da, beti-
koa, muntaketa egiteko diru pixko
bat.

● SAN ANTON UHARKAKO LANAK gibelu-
ak daudela eta, uda hontan ur mur-
rizketaldiak izan liteke jaso-
tzea. 84ko otsailan hasitako lan-
nak, 24 hilabete buruan bukatu
behar ziren, hau da orain dela
4 hilabete. Hala ere "Ministerio
de Obras Publicas" delako erakun-
dengana epea 8 hilabetez luzatzea
lortu dute, lanari bukaera emate-
ko. Lana bukatu eta ondotik, uhar-
ka uraz bete beharko da, berriz
ere hustutzeko, honela garbitasuna
egiteko. Honela bada, datorren
udan lehortea berriz ere jasan
ezkero, ur murrizketak izango dire
Irun eta Hondarribian.

● LESAKAKO FABRIKAN joan den aste-
artean, apirilak 22, 24 orduko
lana utzi zuten, indarra egiteko
Castelloneko "Altos Hornos"eko
eskarien alde. Hogei urte omen
dire inolako berrikuntzarik ez
dela egin Castelloneko fabrika
honetan eta gaur egun lanpostu
aunitz urratuta daude. Orain en-
presak nahi duena zera da; ehun
inguru diren langile hauetatik
berrogeiren bat Lesakara ekarri
eta bertzeak indennizatuta bida-
li, honela Castelloneko faktoria
deseginez. Erran behar oraindik
ere pediduak jasotzen direla eta
gero itzultzen dituztela.

MALDAER REKA



Maldaerreka, Bertizarana eta
Sunbillako zaborraren arazoa no-
labait moldatzeko prozesoa hastera
doa.

Zaborra baliagarria da, eta herri txiki hauetan inon baino hobeto dakigu, jan ondarrak azien-dari emateko, paperak sua pizteko, botilak patxarana edukitzeko eta tomateak botiltzeko erabiltzen bait ditugu.

Baina, zer egiten dugu gainerako zaborrarekin? Nahiz eta aprobe-txagarria izan hau ere, hondakin-degietara -zaborra botatzeko le-kuetara- botatzen dugu, erreka-kutsatuz eta landaretza eta inqu-

ru-giroa hondatuz.

Zabor hau aprobetxatzeko, gauza ezberdinak berexirik bildu behar dira, "nahasten ez dena ez baita berexi behar". Horrela egiten dute herri aintzinduenetan eta horrela hasi behar dugu herri txiki hauetan, lehenetariko esperientzia delarik.

Kartoi eta botilak berraskuratu-
tuz hasiko da.


Paperaz, eskoletako neska-mutik
lak arduratuko dira, etxean behar
ez diren egunkari, aldizkari ,
etab. eskoletara eramanez eta
euskailu (kontenedore) batetan

bilduaz. Honetik ateratzen den dirua haurren aktibitate batzu ordaintzeko izanen da.

Botila eta kartoiak berriz, etxez-etxe bilduko dira, kamioi batez, orain aipatzen dizuegun moduan.

DONEZTEBEN botila eta kartoiak
ASTELEHENERO atera itzazue, zabor
zakutoetatik metro batetara utzi-
az.

BERTZE HERRIETAN, botila, kar-
toi eta egunkariak HILABETEO
LEHEN ASTELEHENETAN bilduko dira
eta zabor zakutoetatik bi metro-
tara utzi beharko dira.



ZUBIETA

● **HERRIKO OSTATUA.** Herri guztietan bezala hemen ere herriko ostatua ohizkoa izan da, baina badaramatza urte batzuk itxita. Bi edo hiru alditan kandelatu ondoren ostalari berria badugu., aspalditik denok desiratzen genuen. Ez zen herrikorik ausartzen eta horregatik kanpotarra dugu, emakumezkoa gainera. Herria gustatu zitzaion eta ondoren prestakizunak egiten aritu zen. Inaugurazioan oso txukuna eta ederki apaindua ikusi genuen, jendeak, gehien agureak, bazuten orain non hartu goizeko salda goxoa eta besteak berriz, heuren egarriak ase. Dena dela, oso ostalari xelebrea dugu, sarritan ostatua itxi eta alde egiten bait du. Bakoitzak bere arazoak konpondu behar ditu eta hor ezin gara sartu, behar bada hirietako martxan ohi-turatsa eta ezin laketu herri txikian. Orain ere alde egin du, konprenigarria da, Formentera aldera abiatu omen da, lur heredaturen aferak egitera.

Noiz etorriko den zai gaude, pixka bat tabernan saiatzeko. Ia denok "monoarekin" eta kezka handia dago bertan egarritz ez ote garen hilko. Baina, kezka horiek, azkeneko berriak apurtzen ditu. Bera kanpoan dagoen bitartean mutil batek saiatu behar omen du. Ia ba, sei hilabete hauetan martxa ederra jarritzen duken!

● GAZTEEN GORABEHERAK

Zubietan gazte gutxi dago eta horietatik batzuk soldaduskara eramaten dituzte eta besteak berriz Frantzi aldera joaten dira. Pixkanaka, pixkanaka gazte guztiak herritik kanpo, herria oso triste eta ixil utziz. Aurten bederen, oso nabarmen gelditu da gauza. Hau martxa! Eta orain zer egin behar ote dute Zubietako neskatxa gazteak? Beste herrietako mutilengana joan?

Badakigu bai ongi aski zer gertatuko den, hemengo neskek kanpo-

ko mutilekin ibiliko direla eta bertako mutilek etorri eta gero mutil zahar geldituko direla. Lehen gutxi bait dira!

● ETXE BATETAKO DESGRAZIAK


Festak hasi direla nabaritu da. Lehengo egun batean, herri batetako festetan norbaiti "radio Kasset"ak lapurtzea okurritu zitzaion eta Zubietako gazte bati tokatu behar. Kotxea aparkaturik zegoen karretera bazterrean, eta ez zen kotxe bakarra, sail ederra bait zegoen, ba, zoritxarrez honi lapurtu zioten. Eta horretaz aparte altaboza ere bai.

Hau al da bizia? Besta pixka bat egitera joan eta gero kotxera hain kontent zoazela, neskatxa bat ezagutu duzula eta desilusio hau hartu!

txok ere ederra hartu bait zuen. Kotxetik atera eta ia atake bat eman zion.

"Ez duk inon segurantzarik! Ez naiz gehiago kotxearen barruan sartuko hemendik aurrera" kotxe San Fernando uno a pie y otro andando"

● **Ail Ail Ail "IVA"** ailegatu zaigu. Ze mina Amabirjin Doloretakoa! Nabari da "IVA"rekin merkataritza txikia larritasunean jarri dutela, zerga hau dela medio ospe handiko ostatu bat itxi baita. Ez dakigu zerga kontuan dagoen kokxa edo asperturik egotean. Herri txikia eta bost ostatueta banatzen lanak izaten dira, ostatu honetako bezeria muslari agureak ziren. Hala ere hauek lasai, orain beste batetara joaten hasi dira eta.



Ez goaz gehiago bestara! Utzi beharko ditugu bestak eta ostrak! eta lanera kasset berri bat erosi nahi badugu.

Beste egun batean, etxe honetako seme bati hau gertatu zitzaion: Egunero bezala lanera zihoan, bere kotxe seat 124arekin, "6 martxa" sartuta tximista bezain agudo eta han ikusten du arbol enbor bat heldu zaiola gainera. "7.martxa"sartzen du, zuri zuri eginda difuntu baten gisara, aurrera! baina atzeko kristala xehetu zion.

Gizarajoak susto ederra. Eta ez honek bakarrik, gure lagun Pon-

● Labrantza.

Traka, traka, traka!.. Kran, kran, kran!


Aditzen al duzue?

Bai, tratoreak diral! Eguzkia agertu orduko, jendeak tratoreak etxetik atera eta landako alorre-tara doa, patata eta artoa erein-tera.

Euri egunen ondotik, bapatean agertu direla izan da politena. Aingurrik bezala... Jendea non-bait, alorlanak egiteko eguzkia noiz aterako esperoan zegoen! Ikusgarria dal Zubietako beheko hauzoa "New Yorkeko"atariak diru-

Zerbait egin beharko genuke hola-ko herri bat ez bukatzeko beste berrogei urtetan. Badakizue zer egin ez?

PAKEA ZURETZAT
(eta guri emanen diguna ere)
Meza sariak TTUPI-TTAPari eman.



Zer esan behar dauka? Hau ez da posible, herriko atariak ez dire kamionak ibiltzeko eta kargatuta gutxiago. Hala jarraitzen badugu pentsatu nola geldituko diren karrikak.

Atzetik heldu dira Udaletxeko "Brigadas moviles de Arreglos Varios", eta "Zubitako zubi konpontzaile trebeak", bai, konpondu ere zubi handia eta txikia, baina horrela jarraitu ezkerro, kamionak sartuateri hortan, Errandoneko Patxiku jabetuko da aferez eta zubia aldatuko ere... sarrerako zubia bota eta Doneztebeko antzekoa eraiki...

●Zubietarrak Bretainan.

Urtero "Festival Celta" edo "Kelta Jaialdia" deitzen zaion jaialdi bat egiten da Europan, munduko zelta kultura duten herriak bilduaz. Hauek Eskozia, Irlanda, Bretaina, Galizia eta Euskadi dira.

Aurten jaialdi hau Bretainan (Frantziko rejiio bat desgraziz) eginen da eta beti bezala Euskaditik ere joan beharra da erre-presentazioa baino, aurten, be-reiztasun bat gehiagokin:
Zubietako ioaldunak.

Oreretakoa (Errenderi) jaialdi hau antolatzen duen kultur taldeak deitu zigun, 8 ioaldunen bat joanen ginen 8 egunez jaialdi hontara, gastu guztiak pagatuta.

Zaharrak joan nahi ez dutela
eta nor joanen den bila gabilta.


Hau "txoltoa", 8 egun oporretan eta gainera ioaldunak internazionalizatzen: belaxe HOLLYWOODera.

Hollywood baina beheraxeago e-
gonen da Joxemi, taxistan semia,
Karibe aldean, beste etnia batzu-
ren ezaugarriak estudiatzen sa-
konki...

Zubietarren prestatutasuna, zintzo-
tasuna.

Ez gara ez, hortik esaten den bezala, zubietar guziak "bruto-ak". Ittunen jakin dutel Zubietar batek bildots bat hartu du Iturenko karreteran. Ia akatu zuen katua zelakoan, baino nonbait-gaitzetsia zen eta han zegoen-gaixoa.

Zubietarrak etxera ekarri, esnea eman eta biharamunean berriz ere Iturenera eraman, nagusiari emateko. Aixa bilatu ere. Ioanekoa zen.



ah!!! eta Rufinoren kotxez...
zer?

Hori da egiten ari direna. Ba-
dirudi xarmanki geldituko dela.

BAZTAN

●BAZTANGO BALLEKO ETXEA ETA EUSKARA

Euskaldunok ongi aski dakigu Baztango kazikeak eskual kulturaren kontra daudela. Ez da harritzekoa bada azken bilguran onartu zen akordioa: idazkari edo sekretario plaza betetzeko presentatu diren pertsonen ez zaie eskatuko euskara, hau da, erdaldunak izanen dira. Erabaki honen alde UPNekoak atera ziren; PNV, Agrupacion Baztandarra eta Herri Taldeak kontra atera zirelarik.

Berriz ere euskaldunak diskriminaturik egonen gara Baztanen; gainera erran behar da Baztango biztanlegoaren %80 euskalduna dela, aunitzek erdararik ez baitaite edo problemak izaten dituzte erdaraz mintzatzeko.

●BAZTANI BURUZKO EXPOSIZIOA KULTUR ETXEAN

Elizondoko Arizkunenea Jauregian Baztani buruzko erakusketa bat ikus daiteke. Natura, gizarte eta ohiturei buruzkoa da; goiz eta arratsalde zabalik dago.

BESTAK HASI DIRA

Goiztarrenak (ingurukook ongi dakigun bezala) Iruritakoak izaten dira. Salvatore bezperan hasi eta igandea arte nahikoa animazio eta jende izan zen. Ondoko asteburuan Berroetakoak ospatu genituen. Aurten denborak lagundu duela erran daiteke.

●ZORIONAK ELIZONDOKO LANBIDE ESKOLARI.

Elizondoko Lanbide Eskolak garrantzitsun sari bat irabazi du aurten ere. Kulturazko Ministerioak konbokatutako sari bat "Viajes Culturales por España" izenarekin eta Eskola hontako bosgarren mailako bi taldeak prestatu zuten izigarritzko lan bat titulotz honekin: "Pirineos: una Montaña, una Historia", eta hiru liburutan



enkuadernatuak agertzen ziren Pirineo guztia segituz alde batetik bestera, Zugarramurditik Kataluñarako Kabo de Kreusartarainoko gai interesgarrienak geografia, historia, kultura, arte eta tradizioenaren aldetik.

Lan honekin gazte hauek irabazi dute lehenbiziko saria: 150.000 pta.

Baina ez da hau lehenbiziko aldia eskolako ikasleak holako trebetasuna egiten dutenik. Joan den urtean ere irabazi zuten sari berbera "Santiagoko Bidea" lanarekin.

Gure zorionak, eta segi dezatela berdin!!

●AMAIURKO FUTBOL TALDEAK KOPA IRABAZI

Joan zen neguan hasi eta aurtengo mailatza arte. Elizondoko pilotalekuan futbito partidoak izan dira. Larunbat eta igandero jende aunitz biltzen zen Baztango jokalariei trebeak ikusteko asmoz. Erran behar da Ligan "Bar Mendi" koak garaile atera zirela, "Bar Saioa"koak bigarren gelditu zirelarik.

Aurtengo txapelketaren errebelazioa AMAIURko taldea izan omen da, adituek erran digutenez. Arras talde elkartua, garbier jo-

katu duena (espultsatutik ez baitu izan) eta batez ere, teknika ikusgarri batez jostatu direnak.

Hona hemen jokalariei zerrenda:

Atezaina: Antton
Gibelean: Martzelino, Pello R. eta Koldo (Kapitaina)
Erdian: Beñardo eta Pello E.
Aitzinean: Paulo eta Joxemari.
Entrenatzailea eta "managerra": Faustino Maisterrena.

Jakin izan ahal dugunez, Osasunako direktiboak harrituta gelditu omen ziren Amaiurkoen teknika fina akusi zutenean. Agian heldu den urtean Ligako txapeldun!

GURE ZORIONIK BEROENAK AMAIUR-TARREI.

●ALMANDOZEKO BARIANTEA MARTXAN

Azkenean Almandozen bariantea egiten hasi dira. Zeharbide honek gauzak aunitz erreztuko ditu, batez ere kamionari. Gainera karrikan bizi direnek lasaiago lo egiten dute hemendik aitzina.

Baita ere erran behar da Belate mendi portuan egiten ari diren kamionendako bidea ia bukatutik dagoela.



●BAZTAN FUTBOL TALDEA PREFERENTEAN MANTENTZEN DA.

Nahiz eta urte guztian erdipurdi ibili, Baztandarrak, azken partidotan egindako jokoari esker, Preferentean mantenduko dira.

ZUGARRAMURDI



● BASERRI BATZUEN ARAZOAK

Joan den mendetik honat, Baztango eta Zugarramurdiko udaletxeak ibilki dire pleito batetik ateratzen bestean sartzeko, 58 baserri batzuegatik. Afera hau da: Zugarramurdiko inguruan badi-re 58 baserri (72 biztanle) orain arte Zugarramurdira egiten zirenak gauza guztientzat: haurrak Zugarramurdiko eskolara heldu dire, hemengo bestak ospatzen dituzte, honat etortzen dira elizara, hemengo kanpusantuan entertratzen dire heuren hilak eta e-dozein gauzendako Zugarramurdiko udaletxera etortzen dire...orain arte hola bizi ginen lasai. Bage-nekien udaletxeak bazituela bere aferak Baztanekin baina deus in-portantzia gehiagorik ez genion ematen. Orain arte. Aurten baserri-tarrak Zugarramurdiko udaletxeari zergak ordaindu ondoren, harrituak ikusi dute Baztango u-daletxeak bere aldetik ere beste zerga batzuk pasatzen dizkiotela. Eta holaxe gara: alde batetik

Baztanek dio baserri horiek bere-ak direla betitik eta lehenago zerbaitengatik Zugarramurdiko u-daletxeari utzi zizkiola zergak kobratzeko eskubidea, baina baserriak bereak direla. Zugarramurdik berriz ezetz, hori ez dela horrela.

Beste aldetik baserri-tarrak haur-ak bidalia dute eskutitz bat esanez Zugarramurdiak izan nahi dutela. Ikusiko dugu zer gertatzen den ondarrean.

● PARTIDU INTERESGARRI BAT

Apirilaren 6an goizeko 12 etan bagenuen izugarrizko pilota par-tido bat anuntziatua.

- Daniel - Pantxo
- JoxeMari - Pakorro

Ostatuko lau lagun hauek egina zuten beren artean apostua, eta Altzateneko ostatuan bilduak zi-ren ere bai zenbait mila pezeta alde batetik eta bestetik (haie-

tatik 500 nereak).

Baina ailegatu zen eguna, euria ari zuen, eta gure gizon hauek erran zuten horrela ez zela pilo-tan aritzarik. Bon, euria pasatu zen, elurrak eta kazkabarrak ere bai, eguzkia ere agertu zen noiz-bait pixko bat, baina ez dakigu zer pasatu den partidu misteriosu honekin.

Ez dakit igandea, larunbata ba-ten ondotik, egun txarra ez ote den holako indarretan aritzeko. Uste dut nere 500 pzta. erretira-tu beharko ditudala.

● 21EAN GAUPASA

Duela lau urtetatik honat, Zu-garramurdiko gazterriak udaletxe-aren laguntzarekin, antolatzen dugu ekainaren San Juan bezpera-ren larunbata hurbilenean gau pa-sa bat lezeetan.

Aurten ere martxan eman dugu afera eta hola jakinarazten zai-tuztegu ekainaren 21ean arratseko 12etan eta sorginen lezeetan (ze beldurra)!! hasiko dela animaleko besta bat:

Zuek ezagutzen dituzue Niko E-txart eta Min Xori ero hauek, ez? bon, han egonen dire martxa ema-teko gauari. Ah! baino ez hau ba-karrik, ez, etorriko da baita ere Hondarribiatik txaranga bat. Ge-hiago, nola falta behar zuten sorginak? han izanen dire sorgi-nak, akerrak, deabruak, etab. Aizul, eta sorginak aizkatzeko zantantzarrak? segurki ere bai han izanen direla. Zer? Animatzen zara? Aupa! nahi baldin baduzu etorri, gu han izanen gara.

● URDAZUBIKO BESTETAN

Urdazubiko herriak antolatzen du urtero pilota txapelketa bat. Partiduak hasten dire Martxo al-dean, horrela finala bestetan e-giteko.

Jokalari gehienak Urdazubiko eta Zugarramurdikoak izaten dire eta honek emozione handia ematen dio txapelketari, bakoitzak bere



herriaren alde ateratzen direlako, noski.

Aurten finalera ailegatu dire, Zugarramurdi aldetik Pol eta Martintxo, eta Urdazubi aldetik Daniel eta Martin.

Partida polita izan omen zen eta azkenean Urdazubiarrak gelditu ziren txapeldunak 50-35 irabaziz.

● LEZEAK

Duela 6 edo 7 urtetik honat sorginen lezeetan izan ez direnak, ohartuko dira handik honat zerbait pasatu dela. Lezeak, berez, ez dire aldatu baina bai inguruak.

Diputazioaren laguntzarekin udaletxeak harriztatu ditu lezean sartzen diren bideak, harrimatu ditu zubiak, elektrizitatea sartu du eta egin du borda txiki baten gisa sarrera ordaintzeko tokia eta komunak.

Aldaketa hauek, batzuk ongi ikusi dituzte esanez orain erregaia dela han barna ibiltzea eta ez lehenago bezala erortzen ahal zinelarik lau patatz goiti ez zelako harri kozkor, buztin eta lo-

hiarik baizik, edo baita ere erreka erori zura mehar baten gainetik pasatzerakoan.

Beste batzuk berriz, ez dire konforme eta esaten dute orain lezeak galdu dutela aunitz, ez dela lehen bezain basa, eta gainera ez direla imaginatzen ahal sorginak lezera sartzen edo ateratzen eskaleretan barna.

Bertze afera dugu lezeetan sartzeko ordaindu behar dela (70 pezeta haundiek eta 30 haurrek). Gehienak deus esan gabe ordaintzen dute eta kitto; baina badire beste batzuk ere sutan jartzen direnak, ohu batzuk botatzen dizkietenak han den kobratzaile gaixoari eta gero aire partitzen direnak haserretuak.

Lehenago lezea mendi puska bat bezala zen: jendea sartzen zen eta ateratzen zen nahi zuelarik, nahi zuen tokitik eta inori deus esan gabe; kanpinak ere jartzen ziren edozein lekuetan; zaldi, eta ardiak jabetzen ziren batzuetan lezeetatik eta jendeak (gero eta jende gehiago) uzten zituen zikinkeriak han gelditzen ziren inori deus inporta gabe.

Baina ailegatu zen eguna Udaletxeak esan zuena "akaboli" eta handik aintzina atera ziren zaldi eta ardi guztiak, ez zen gehiago utzi kanpinik bagean, garbitu ziren lezeak eta.. hasi zen sarrrera kobratzen.

Hori pasatu zen duela hiru urte, handik honat lezeak hobeki zainduak dire, harat etortzen den jendeari ematen zaio orri bat lezeke hixtorioaren buruz, eta beste aldetik horrela gure udaletxeak badu laguntza ttiki bat ekonomialdetik.



udan herrietako bestak

Iduri du Udaberria iritxi dela. Uda ere ia ia urbil ikusten dugu, eta orain egun luze hauekin eta eguraldi eder honekin nahi eta nahiez denok pentsatzen dugu "Bordatxo, Dollar edo Erne" alde batera uztea eta beste dibertimendu batzuk harrapatzeko.

Horrela ba, lana errezten dizuegu hemen presentatuz gure aldeko herrietako besta batzuk: Urdazubitik eta Iuritatik hasiz Maiatzaren 8an, Garzainen eta Aurtitzen bukatzeko Azaroaren 8an.

Baina hala ere, kontuan hartu, behar bada ohartuko zarete data batzuk ez direla arras ongi emanak, hori da pitat gora behera altaxu emanak ditugulako gure oroimenaz fidatuz.



★	Ekaina	21	: Arizkun, Saldias, eta Zugarramurdiko gau pasa.
★	Ekaina	28	: Erratzu
★	Uztaila	7	: Lesaka eta Azpilkueta.
★	Uztaila	12	: Ituren
★	Uztaila	25	: Elizondo eta Elgorriaga
★	Abuztua	2	: Bera
★	Abuztua	9	: Ziga, Sunbilla, Leitza
★	Abuztua	15	: Zugarramurdi, Amaiur, Mugaire, Etxalar, Arantza, Zubieta, Ezkurra, Goizuetta, Donamaria, Labaien, Azkain eta Ainhua.
★	Abuztua	24	: Lekaroz, NARBART
★	Abuztua	30	: Legasa, Arraioz.
★	Iraila	6	: Oiz, Erasun eta Sara.
★	Iraila	14	: Elbetea
★	Iraila	27	: Igantzi eta Urroz.
★	Urria	5	: Aniz
★	Azaroa	8	: Gartzaiz eta Aurtitz.



Negu aldera ere, ez ahaztu behar, Zabal-
tzaren erahilketa eta Bortzirietako atxi-
loketen aurka egin ziren ekintzetan parte
hartzea erabaki genuen zalantzetan jarri
gabe, AEKK ezin baitu inola ere bere boka-
zio abertzalea ukatu.



ZENBAIT KANPO

EKINTZA

HITZALDIAK

Ikastaro berriarekin batera eta "euskara guztiona eta guztiontzat"en lemapean mintzaldi batzu antolatu genituen Bortziri eta Maldaerrekako herri gehienetan zehar. Patxi San Juan eta Patxi Iñigok eman zituzten mintzaldi haiek eta oraingo euskararen egoera eta euskararekiko militantziaren garrantziari buruz hitzegin zuten batez ere.

ATERALDIAK

Martxo aldera, hiru eguneko ateraldia antolatu genuen Lakuntzara. Han izandako giroa ona izan zen benetan eta AEKko mugimendua gure artean han sumatu genuela erran behar, talde guztiak nahasi egin bait ziren elkar hobekiago ezagutuz.

Apirilan, berriz, Xuberoara joan ginen igande pasa. Ezagutzen ez genuenak harrituta gelditu ginen Xuberoak eskeintzen zizkigun herri eta mendi bazterrak ikusiaz. Jakina da ezagutzen ez dena gutiago maitatzen dela. Guk, orain, Xuberoa gehixeago maite dugu.

GALI-PASA

Eta gure azkeneko kanpo-ekintzak AEKren egunean egindako herri-poteoa eta Doneztebeko gau-pasa izan dira. Lehenengoan hogeitamar lagun bildu ginen herri gehienetan ibiltzeko eta bigarrenean (Akelarre eta Zenzerrokek jo zuten) seirehun bat lagun sartu ziren.




UDAN ERE IKASTAROAK

Eta orain, zer? erranen duzue. Ikastaroa bukatu eta udan, zer? Ez dugu, ez, guzti hau zintzilik uzteko pentsamendurik.

Duela bi hilabete harremanetan jarri ginen Donostiako AEKrekin eta Arturo Kampionekin zerbait egiteko asmoz barnetegi dinamikaren barruan. Positiboa ikusten genuen, alde batetik irakaslegoak esperientzia berri bat izan zezan eta bertze aldetik, mugimendua uda osoan geldi ez zedin. Horretarako Lesaka aukeratu zen, infraestruturaz aldetik ongi prestaturik dagoelako (eskolak) eta bertze aldetik giro euskaldun berezia eskeintzen duelako. Horretarako eskakizun bat egin genion Udaletxeari eta baimena eman zigun. Barne-ikastaro hauek uztaila eta abuztuan izanen dira. Baita ere, Berako Udaletxeak eskeintza ezin hobea egin digu, hau da, Diputazioak bidaliko duen gazte talde bat Berako toponimiari buruz lan bat egiten lagundu eta zuzendu. Hau ere barnetegi gisa izanen da eta hogeitau eguneko bi talde-tan bereziko dira.

Baina, hemen ere zerbait egin behar, jendea prest omen baitago ikastaro intensiboren bat egiteko. Horiei ere erantzuna emateko prest gaude. Ikastaro hauek egunean lau ordukoak izango dira uztailaren 14tik abuztuaren 1era, astean 5 egun eman-
ez.





Hementxe daukazue ba aurrerantzean egin asmo ditugun gauzak. Zerbait pentsatu dugu egitea lantegietan ere, baina ez dago deus finkaturik.

Bertze gai batetan sartuaz, ekonomikoki estu xamar gabiltzala erran behar, nahiz eta aurtengo aurrekontua beteko dugula pentsatu. Dena den, oraindik materiale pila dugu erosi beharra, baina gauzak guk uste bezala ateratzen bazaizkigu zerbait egiteko modua izango dugu. Gai honetan sartuz gero beharrezkoa zaigu eskerrak ematea lagundu diguten guztiei. Alde bate-tik kanpo-ekintzetan, gau-pasa, etabarretan lagundu digutenei eta bertzetik, diru-laguntza eman edo lakalak utzi dizkigutenei, Lesaka, Bera eta Arantzako Udaletxe-ei bereziki. Deus eman ez dutenei, zer erran? betikoak direla eta ez dutela aipatzea ere merezi.

Azkenik eta bukatzeko, hurrengo ikastarorako jendea animatu nahi genuke, batez ere jende gaztea. Euskara militante behar-ean dago eta euskararen barruan murgilduz gero, ez duzue bere eskuen artetik ateratzeko modurik, ez eta gogorik ere izango.

Beraz, hemen daukazue gure ateak zabalik nahi duzuenarako. ANIMO!

ARGIAREN HARPIDEDUN IZAN NAHI DUT

IZEN DEITURAK

Helbidea

Herria


Probintzia

Banku edo Aurrezki Kutxa

Sukurtsala

Zenbakia

SINADURA



ARGIA astekaria
Ramonenea etxea, behea.
Virgen del Carmen, z/g

Domostia (12)
T. 28 33 99



NEKAZAL SINDIKATO BERRI BAT

Zona bakoitzetako arduradunak ere aukeratuak izan ziren, Baztan-Bidasoa aldetik Juan Jose Txoperena ganaduzalea, Igantzikoa; Sakanatik Fermin Irurzun, Iabakoa, ganaduzalea; Aezkoa-Erronkari-Salazar-tik Jose Manuel Arrese, Aezkoako Hiri-berrikoa (Villanueva Aezkoa) nekazaria; Lizarra aldetik Alberto Orokieta, Ganuzakoa, nekazaria; Tafalla aldetik Adolfo

C.E.E.n sartu gaituzte, inori ez digute galdetu, nahi ala ez gehuen. Erakundeak arto dabilta esanez azkenean Europiarrak direla eta... dirudi sarrera honekin "ti-



LANGABEZIAN DAUDEN, BERA KO BI GAZTEEI ELKARRIZKETA.

E.-Bai, denen problema bat da, zeren eta ni batzuetan kabroia eta putasemea sentitzen naiz, bi lekutan lan egiten dudalako, bertze batzuk lanarik ez duten bitartean.



G.-Baina jendea mugitzen da bilatzen?

E.-Bada jendea baletz, eta jendea etzez, denetatik. Nik ez dakit, ni ez naiz mugitzen; Urtarrilan gaude, badakit bi hilabete buruan lana egingo dutela; bi hilabete lasai gelditzen naiz, eta horixe da, ekonomi aldetik ez dut problemarik, ez dut inongo problemarik eta kitto, bi hilabetez BIZI, gaztea naiz oraindik, hogeitahiru urte dut; mugitzen bazara, jeitxun zihur nago lana aurkitzen duzula, bertzelaz ez.

Langabezian dagoen gure lagunaren lagun bat agertzen da, eta keinu batez gurekin biltzera gonbidatzen du. Hogeitaurte du, langabezian dago baita, eta arrebatikia zaintzen du.

G.-Begira, langabeziari buruz lan bat egiten ari gara, eta zure lagunak, langabezian zaudela erran digu; ez duzu egundaino lanarik egin ezta?

E.-Bai, ostatuetan lana egin dut, baina noizean behin, eta hori ez da lana egitea.

G.-Eta ez duzu zerbait aurkitzeko itxaropenik?

E.-Beno, itxaropenik ez, laminazionesen lanean aritu naiz orain, hamabortz egunez, aspaldidanik izena emanana nuen, eta deitu zidaten, bat oporretan joan, eta norbait behar zutelako.

G.-Zure lagunak erran digunez, zuk arront gaizki ikusten duzu hemengo langabezia.

E.-Hemen bai, hagitz gaizki, jende aunitz eroria dagoelako, eta dirudienez urtetik urtera jende gehiago ikasketak uzten ditu, aurten jende multzo bat.

G.-Zergatik uste duzu, ikasketak utzi dituztela?


E.-Ba, ez dakit; bada baita ikasten ari den jende aunitz bertzerik ez delako ari dena.

G.-Zuk ikasketak aspaldian utzi al zenitun?

E.-Bai, urte sail bat bada, hiru edo lau urte.

G.-Zerbait aurkitzeko itxaropenik al zenuen ikasketak utzi zenituenean?

E.-Beno, ostatuan lanean ari eta, eskolera joaten ez nintzenean, harat joan, eta orduan hasi nintzen; Oronotzen barneikasle nengoen; udan bai, uda osoan lan egiten dut.



G.-Eta zer egiten duzu, beti etxean gelditu?

E.-Ez, aldierantziz, ez dut etxean irauten, beti ehizian, arrantzan, kirola egiten: orain laister egiten hasi naiz, eta hor barna lekoratzen.

G.-Bertze batzuk, bertze gauzak egiten dituzte, adibidez drogan zerbait bilatu; problema hau nola ikusten duzue hemen barna, ba al dago drogarik Beran?

E.-Bah! Bada, baina ez, ez aunitz; guk ematen diogu aunitz txupeteari, edariari, baina drogarik ez. Gero atsekabeak izaten dituzu, soldadutzara joan behar duzula eta, pentsatzen duzunean; nik adibidez aurten joan behar dut eta... denbora guztia deus egin gabe zaude, eta gainera esperatu behar, bertze urte bat deus egin gabe egoteko.

G.-Eta etxean ez al daukazu problemarik?

E.-Ez orokorki, ongi eramaten dugu, ez nago inoiz etxean...

G.-Zure gurasoek ez al dizute behinere deus erraten?

Mutikoa eskolara hasi zenean -esaten zidan ama batek- gaztelania bakarrik erakusten zen, eta maisuak ez zuen euskerarik ezagutzen... Letzen ikasi hasi eta karti-llak asto bat erakusten zuen b adierazteko: umeak ezin ulertu!... Bigarrena jaio eta erdera erakusten saiatu nintzen, oztopo berdinekin ez topatzeko, eta hara nungero, eskolan hasten zirenak, euskeraz hasten ziren. Baina berak, neskatoak, beti erderazaletasuna gorde du, nahiz etxean euskara hitzegin... Txikia zala, Doneztebera bidaltzeko puntu-puntu egondu nintzen, gaztelania ongi ikas zezan, baino urruti zela, autobusean ibili beharrak...


- Ez dugu euskera maitatzen ala? Ez zai-
zu beharrezkoa iduritzen?

- Zerorrek oso gaizki pasatu zenuen er-
dera ikastera bortxatua izan zinenean?

- Baino, eskolako plangintza berriren aurkako karta sinatu zenuen...

- Bai, gaizki informatua negoelako. Orain ados naiz baino zera iduritzen zait, guraso gehienak ez dutela ongi ulertzen zer planteiatzen den eta hori posible denik sinistu ezta ere, bai euskera bai erdera menperatzea ahal izango dutela umek.

"KEPA ETA ANJELAREN" ELKARRIZKETA



Bazihoan Kepa eskolara eta orduantxe bere laguna Angelarekin juntatu zen. Kepa euskalduna zen eta Angela erdalduna.

- Kaixo Angel -erran zuen Kepak.
Angelak haserratuta erran zuen:

- Como Kaixo! aqui hola y nada mas.

- Bainan Zergatik erderazi! erran zuen Kepak. Euskal Herrian gaude ala ez?

- Bueno, hablare en Euskera porque si no ya se que no hablaras conmigo, ademas quiero hablar de este tema con alguien. Erraten ari naizen bezala hau ez da Euskal Herria hau Nafarroa da. Eta gainera euskeraz solastea txorakeri bat da. Erran zuen Angelak.

- Nafarroa Euskal Herrian dago -erran zuen Kepak-. Politikoko ez, bainan Euskaldun guztien bihotzean bai, eta gainera euskera oso polita eta interesgarria da eta euskera atsegin ez bazaizu, ze demontre ari zara Euskal Herrian! Zoaz zure herrira.

- Baina nola, erran dezakezu hori, gainera euskera gutxi dago eta espero dut akitzea. Erran zuen Angelak.

- Bai, gutxi dago Frankori esker, baina gero eta gehiago dago eta ez da inoiz akituko; eta jakin nahi baduzu Nafarroa Euskal Herriko beste probintzien ama da. Eta ez dute, ez politikak eta ez erdaldunek hori kenduko erran zuen Kepak.

- Baina, Nafarroa ez dago Euskal Herrian. Eta ikusiko duzu nola desagertzen den. Erran zuen Angelak.

- Bai, ikusiko dugula! Ikusiko duzue, zuk eta erdaldun guztiek zeren ez dago bertzerik Euskal Herria eta euskera bezalakorik, ez dut erraten beste hizkuntzak txarrak direnik, baina, zergatik ez gaituzte uzten pakean gure hizkuntzarekin? Erraten dizudana: gora Euskal Herria eta euskera, inoiz desagertuko ez den gure hizkuntza!

Angelak arrazoirik ez zuela ikusi zuen eta erraten den bezala hitzik gabe utzi zion. Hau gertatzen zaio euskeraren aurka hitz egiten duen pertsona bati.

Angelak



TTTTPP TTTTPP

EMAKUMEA

ETXEKOANDREA LANGILE

A.Z.

Behin "Simone de Beauvoir"ei erran zioten ea ados egonen zen etxeko lanak egiteagatik emakumeei ordainduko balio- te. Eta berak hau erantzun zuen:

"Ez, ez nago ados ezta pentsatu ere. Hori egitean emakumea oraindik zokoratuago eta etxe zuloan denbora gehiago pasatzera behartuko bait litzateke. Ez, ez nago ados ez ni eta ezta emakumeen mugimenduko lagunak ere. Horren bidez, emakumeak etxean egon behar duten ideia indartu besterik ez baita egiten eta ni horren aurka nago.

Gure ustez, edozein pertsonak gizon, emakumezkoa izanda ere, kanpoan lan egin beharko luke eta beste aukera batzuk izan; erratebaterako, taldean bizi eta familiako organizazioa beste era batekoa izan, hain zuzen ere haurren ardura eta arazoak konpontzeko"

Baina emakumeak etxetik kanpo lanik egin behar al du? Batzuk baietz erraten dute, gizonezkoak duten eskubide berak dituztela, besteak berriz, ezetz. Dena den, egi handi bat dago: EMAKUME GUZTIAK LAN EGITEN DUTELA.

Gertatzen dena haxe da: etxeko lanak ez direla lana bezala kontsideratzen. Gaur arte emakumezkoek etxeko lanak egitea dagokio, ama izatea edo ezkontzea bezalaxe. Eta egia erran, lan hori merkatuak eskatzen duen prezioan inoiz ere ezinen litzateke ordaindu.

Hala ere, zergatik erraten da emakumezkoak ez dutela lanik egiten? Emakumezkoen egin beharra dela pentsatzen baita etxeko lanak egitea, bere senti-



mentuen barnean dagoen zerbait dela eta lan hori ez dela beste edozein langileren lana bezalakoa. Aunitzetan, emakumezkoa jornala irabazten aritu arren, etxera itzultzean etxekoak egiten hasi behar du.

Gaur egun, etxeko lanetan horrela aritzeak, emakumezkoari ez dio batere laguntzen, ez gizarte honetako partaide izaten ezta gizonezkoek duten aukera berdinak edukitzen. Emakumea etxean egonez gero, etxeko lan guztiak egiten ditu. Kanpora ateraz berriz, kanpokoak eta etxekoak.

Eta etxekoak ez baditu egiten beste emakumezko baten gain utzi dituelako izaten da, gehienetan (ama, izeba,..) familikoren batetan.

Baina, arazo hau ez da konpontzen erranez etxeko lanak egiteagatik emakumezkoei ordaindu egin beharko litzaiokela. Zeren eta horrela, emakumezkoei itxekiko balitzaioke lan hori eta.. ez! Denok aukera berak izan behar ditugu. Eta hortarako ttiki ttikitatik, eskolan, etxean, gizartean ez litzateke neska-mutilen artean diferentziarik egin behar.

Etxeko lanak egin beharrezkoak dira, norbaitek bazkaria prestatu, haurrak zaindu, etxea, arropak garbitu behar ditu. Baina ez du zergatik emakumezkoaren lana izan behar.

Etxeko lanak denon artean egitea aukera bat da, bestea zerbitzu egokiak edukitzea eta bestea gizonen eta emakumezkoen artean dauden harremanak aldatzea.

CENCERROK

DONEZTEBEKO ROCK TALDEA

Ez da egunero gertatzen, gure errekan, talde bat elkartzea, instrumentu batzuk hartu, martxa eta humorea jarritz, musikaren bidetik abiatzea. Horixe bera egin du, Doneztebeko gazte talde honek.


"Cencerrok"ekin gaude, bere "laboratorio" edo entsaioak egiteko txokoan. Erraten didate toki honek baduela le-

hendik musikarekin zer ikusirik. Garai batean herriko "bandak" hemen egiten omen zuten bere entsaioak, oraindik badaude, paretetan zintzilika, bi sari "banda" zenak irabaziak, Cencerroken dekorazioarekin kontrastatuz (ACDC, Akelarre, Barrikada, etab.). Paretak kortxoz estaliak, bizilagunez ez daitezzen rokerak sobera afizionatu. Gelaren erdian, bateria, gitarrak, anplifikadoreak, mikroak, en fin, badirudi, hemen zerbait egosten dela.

Hemen daude: karmelo taldeko ahotsa, Zarbo, gitarra, Zarzailo gitarra eta "fans" kuadrila bat; Sanba, bajoa eta Oskar bateria falta dira.

- Nahiz eta taldearen izena, oso adierazgarria izan azaldu ezazue ze musika ari zareten egiten.

- Cencerrok: Ba, beno, nahi dugu rok gogorra egin baina melodia gehiagorekin, ez dakit, ez "kaña" eman denbora guztian ... ez heavy, eh? ez hori ez, gurea rok da, rok gogorra.



- Zein talde gustatzen zaizue?
 - Cencerrok: Udako arratsalde batean, joan den urteko arratsalde batean, kaxondeoz hasi ginen, jazz gitarra zahar batekin, bajo kaxkar bat eta bateria edo honelako zerbaitekin.

Lehenengo garai honetan, Zarzailoren osabak, Jose Luis Olaizolak, utzi zigun dena, anplifikadoreak etab., oso ongi portatu zen, baina ikusten genuen kondizio horietan ezin genuela jarraitu eta aurrezki kutxara jo genuen, prestamo bat eskatzera 125.000 pezetatakoa, oso merke eman ziguten, eta diru horrekin eta gu jarritakoarekin erosi genuen hau; anplifikadoreak, pedalak, afinadoreak, partxeak etab., bertze aldetik gitarra, bajoa, mikroak, bakoitzak bere poltsikotik.

- Hurrengo urratsa zein izan zen?
 - Cencerrok: Tokia bilatzea entsaiotako, eta bertze talde batzuekin kontaktoan jartzea. "Eros" taldeko bat genuen erdi ezaguna eta horrela konektatu genuen heurrekin, gero "Camelot"ekin. Talde hauen laguntza, oso baliagarria izan da, gauzak erakutsiz, anplifikadoreak erosterakoan eta horrela.

- Musika arloan lehen zerbait egina ba al zenduen?
 - Cencerrok: Bum! Ba! To! Buenooo. Eh! nik lehen jotzen nuen gitarra mezetan.

Eta nik txistua, beno eta solfeo, denok dugu solfeo base bat.

- Eta instrumentoak?
 - Cencerrok: Bajoa, bateria eta ahotsa, pixkanaka, ikasten jarri dira, batekin eta bertzeekin; ikusiz, galdetuz eta orduak sartuz.

Dena dela, anitz aurreratu dugu, hasierakoa ikusirik, buf! lotsa ematen digu.

- Nola egiten dituzue musika, abesti berriak...
 - Cencerrok: Hauek,hauek! (Erraten du Karmelok, Zarbo eta Zarzailorengatik.
 - Zarzailok: Beno, Guk ideia bat ekartzen dugu eta gero hemen denon artean lantzen da, probatuz, batzuetan aldatzen joaten da.

-Nork egiten ditu letrak?

- Cencerrok: Hau, hau dugu poeta (denak Zarbori begiratzen diote)
 - Nola egiten dituzue letrak, euskaraz, erdaraz, planteatu duzue zerbait horri buruz?
 - Cencerrok: Beno, erdaraz dira, gero itzultzen ditugu eta ez badira gaizki gelditzen ba euskaraz. Euskaraz zenbait eta gehiago kantatu, ba hobe.

Borroka berdina dela euskaraz edo erdaraz pentsatzen dugu (Karmelo)

Neri euskaraz kantatzea anitz gustatuko litzaidake, baina badago jendea ez dizuna euskaraz ulertzen eta hemen sartua dagoena, gu bezala (Zarbo).

- Zeintzu dira zuen arazo gogorrenak



momentu honetan?

- Cencerrok: Dirua !!! (Denak batera)
 Zorra besterik ez daukagu eta horiek ordaindu behintzat, dirua prestatu diguten lagunei.

Batzutan deitzen digute, ekipo eta guzti jotzera joateko eta orduan furgoneta bat behar dugu, hori ere problema da.

Ekipoa baldin badago, jo behar dugun tokian, Akelarrerekin bezala adibidez, orduan, instrumentoak bakarra eraman behar ditugu eta edozein kotxetan sartzen dira.

- Aktuazio kontuan sartu garenez, ze tokitan jo duzue orain arte?
 - Cencerrok: Beno, ba "Goren Garden",


- Cencerrok: 12ren bat. Hauetatik, lau ez dira gureak baina bertze denak bai. Hasieran bertze taldeen abestiak jotzen genituen, baina gero eta gehiago gureak.

- Cencerrok: Karmelori deitu telefono
honetara: 594153.

Zenbat eta denbora gehiago pasa, boterea -ezagutzen ez dugun gauza hori- handitzen eta urrutiratzen ari zaigu. Madrilgo go-
berrua -esaten denez- aukeratzeko posibi-
litatea dugu, eta mila legora lehertzen
den nuklear trasto bat gure biziaz jabe-
tzen da. Zer gerra qu? Pailasoak?

Baino nahiz mila, edo miloika bota, beti azaltzen dituzte zero-arrazoiak, jakin ez dezakegun errealitateak gordetzeko, Otanen egoteko, nuklearrak eraikitzeko, amamentismoan jarraitzeko, zergak handitzeko, eta bakoitzaren intimitatea ez errespetatzeko...

S.O.S.



37



**UDALAK GALDU,
DIPUTAZIOAK IRABAZI
ETA HERRIA AHULDU.**

Orain artean, Nafarroako herrietako sanitarioak, hau da, medikuak, erizainak, farmazeutikoak, albaiteroa... udalak izendatzen zituen, udalaren eskutan zeuden. Beraz, heuren aginpean aritu behar zuten eta horrela azaltzen da 1981ko Nafarroako Udal Administrazioarako Erreklamantuan.

Zer gertatu da orain arte? Bederen gure ingurutako, herri hauetako berri eman dezakegu eta behar bada zera, Nafarroa osoan ere horrela izan dela erran.

Herriko etxeak, bakarrik medikua, erizaina... izendatzeko orduan bildu izan dira. Zenbait paper bete eta sanitario eta bat edo bertze berezi. Eta, berezi ondoren inoiz ez dira heuren eginbeharrez arduratu. Gehiena ere medikuari etxea ongi maldatzen saiatu izan dira eta ez dira herri-tarren osasun beharrez arduratu. Bazirudien udalak eskuak garbitzen zituela; "badugu medikua, erizaina eta hor konpon" Heurek jakinen dute zein lan egin behar duten. Udalak beste lanik ez du sanitario hauei soldata eman eta kitto!. Inoiz ez diote konturik eskatu, ezta galdetu ere zer egiten duten. Ezta, jendea zertaz eritzen den, ez! Nonbait sanitarioei ezin zaie konturik eskatu. Sanitarioek ez al dute herriaren serbizioan egon behar ba? Sanitarioak!!!

Bitartean, herritarrak... zera, medikuak, erizainak ongi egiten badio, hau da irripartsu atenditu, eriak berak entzun nahi duena entzunez edo faboreak egiten badizkio ba... zein mediku, erizain ona dugun erraten eta oilasko pareta eman. Horren borontatea! Eta aldiz, hasarre entzuten badigu, inongo explikaziorik gabe bidali eta... beno horrek ez du komentariarik ere merezi. Denoi gustatzen bait zaigu pertsonak bezala tratatuak izatea.



Baina, ez bata eta ez bestea, sanitario-en lana herriaren zerbitzu bat denez, herriaren eskubide bat delako dohaina izan behar du, ongi antolatua, planifikatua, ongi egina eta zuzena gainera.

Lana horrela egitea, ez dakigu zer den ere. Zeren eta herri hauetan, sanitario ona, txarra, gustukoa edo ez gustukoa izan arren hortxe bait dugu, insekula sekulorum horrek bueltarik ez balu bezala.

Udalak berriz, inoiz ez dira serbitzu horretaz arduratu. Nola? Zertarako? Nola erran mediku bati jendea ez dagoela bere jokaerarekin kontent? Nola erran ez duela behar bezala lana egiten? Ze bera, sanitarioa, profesionala izan arren, ba beno, gauzak ongi explikatuz gero, eta arrazoiez edozeinek uler bait diezaloke. Baina, jendeak beti beldur izan du, medikuari, erizainari egiak botatzeko bildur, zeren eta gero bera eritzen denean behar bada ez bait dio ongi atendituko eta baezpada ere ixilik.

Udal gehienak berriz, ez dute inoiz herriaren interesen alde jokatu. Bitartean berriz, sanitarioek, nahi dutena egin dute gehienetan aberastu besterik ez.

Eta, udalen eskutan horrelako errespon-
tsabilitatea egotea ba.. gehiegizkoa izan



da nonbait. Noski, aurrekontuaren erdia baino gehiago sanitarioen soldatetan joatean bait zen eta hortik inongo fruiturik ez jasoz gero, pentsa!

1.986 urtean Nafarro mailan, PSOEk bere Erreforma Sanitaria daramaki. Iadanik aldaketa batzuk nabamentzen dira. Horietako bat udalei dagokiona da. Orain artean sanitario gauzetan Udalek bere autonomia zuten. Botere bat zuten, baina botere hori ez dute jakin behar bezala erabiltzen hori ere egia da. Eta orain, botere hori galtzen dute Iruinean zentralizatzeko. Diputazioaren eskutan geldituz hasiera batean eta gero behar bada Insalud-enetan geldituko da.

Dakigunez, Orkoiengo udala da galpen honetaz arduratu den udal bakarra. Heurek botere horri bere garrantzia eta erabilera egokia ematen bait zioten. Herriak, herri-tarrek behar dituzten zerbitzuak eraikiz eta eskeiniz.

Herriaren osasuneaz, herritarren osasun-etaz arduratzea denon lana da, baina, batez ere, politikoak, gobernuak, udalak neurriak paratu behar dituzte, hain zuzen ere herritarrok osasunean bizi gaitezen.

Baina, herri gehienetako udalei botere hori kendu diotela eta pisu bat kendu baliote bezala gelditu dira. Hara nolako herri ordezkariak ditugun! Besteen menpean egoteak lasaitu egiten bait dira.

Eta, PSOEk bere politika sanitarioan zera dio, garrantzitsua dela herriak parte hartzea osasun Plangintza honetan. Eta asmo horrekin Osasun Kontseiluak egitea aholkatzen du. Kontseilu horretan, sanitarioak, sindikato, elkarte, eskola, udal, erakundetako ordezkariak parte hartuko lukete, baita enpresario batek edo bestek (enpresarioen ordezkariak, etxeko andreak izaten ahal ziren ezta?).


Baina, zentzuzko parte hartu ez badu Kontseilu horrek erabakirik hartzeko aukerarik?.

Gure herrietako arazoak, kezak, premi-azko gauzak guk geuk ezagutu nahi eta behar ditugu. Guk jakin behar dugu zein diren eginbehar garrantzitsuenak. Udalei kendutako boterea herritarren eskutan egon behar luke, horrela bai parte hartuko genukeela.

Gure herriaren osasuna bizkortzeko era bat haxe da: problemak ezagutu ondoren irtenbideak bilatzea, erabakiak hartzea eta hortan arituz gaizki egindako gauzak analizatu eta ongi egiten saiatzea. Herriaren nortasuna aberastea, indartzea ere OSASUNA bait da.

A.Z.





V
E
N
I
T
E

A
D
O
R
E
M
U
S



BERRIZ ERE SORGINAK ZUGARRAMURDIN?

Ez, ez ikaratu. Orain arte bakarrik dakigu gauza arraro batzuk pasatzen direla herrian. Gure aintzinekoek esaten zuten bezala, iluntasuna pausatzen delarik gauzak ez dire garbiki ikusten ahal: katu bat ikusten duzun lekuan, sorgina iduritzen ahal zaizu; eta bestaldera berdin: ez zaitela behin ere katu batez fidatu, sorgin bat izaten ahal delako. Horrengatik, guk, dakiguna bakarrik esanen dugu, eta gero bakoitzak pentsa dezala nahi duena.

Afera hau hasi zen duela hilabete batzuk, joan den udazkenean, pittat gora bera. Jende batzuk hasi ziren esaten:

Bai, ez dakit zer edo nor ibili den joan den gau hontan. Lehenbizi aditzen ziren asotsa edo kantu zahar batzuk bezala, eta gero ia animaleko burrunba karrika goiti eta behiti.

"Bai, bai, nik ere sumatu ditut kantu eta uihu hoiek, eta gero nik uste kotxe bat ote zen bozina astopito batekin burrunbaka zebilena".

Eta mugimendu misterioso hauek berdin segitu zuten beste gau batzuz ere.



Gero, hasi ziren gauzak animatzen gehiago. Aldi batez, ilunabarrean, herrian deus besta edo gertakizunik gabe hasi ziren tiro haundi batzuk aditzen; batzuk esaten zuten koheteak zirela, beste batzuk, ezetz, haiek segur, segur, deabruaren puzkerrak zirela... ez dakigu ... Ala ere bat baina gehiagok esan digute gau batez ikusi dituztela heriko plazan pertsonaje batzuk desfile militarra edo zerbait horrelakoa egiten, "jarp, bat, bi, hiru ! " bat bestearen ondotik.

Eguberrietan suertatu zen bertze gertaera bat ere . Herriko fidagarri lagun batek kontatu digu nola bera goizeko bi ordutan etxera heldu zelarik, aditu zituen kantu eta beste soinu arraro batzuk. Begiratu zuen karrika behiti eta handik heldu omen ziren bost edo sei lagun: haietatik bi zaldi baten gainean; batzuk hile luzea omen zuten, bertze batzuk zerbait aurpegian emana ez ezagutzeko moduan eta batek iduri omen zuen "Cid Campeador", armadura gisako zerbait zeramalakoa; zaldiak berriz, izanen omen zituen zintzilika hamar gare seurik halako soindua sartzen zuen eta. Kortejo guzti hau heldu zen karrika goiti, zaldia bere bi jineteekin aintzinean eta beste guztiak hekin gibeletik, eta denak "Venite Adoremus" ... kantatzen. Azkenean Teletxeko gorapean gelditu ziren, hñ argia piztuta, batek esan omen zuen :

"ian, jautsi dezagun lehenik Niño Jesus"
orduan, guri hixtorio hau kontatu digun pertsona izitu omen zen, eta aire, deus gehiago ikusi nahi gabe partitu zen etxera.

Eujeñi eta Koxemari izituak dire baita ere, zeren gau batez atzarri ziren solas eta musika batzuekin. Lehio ixkinetik begiratu eta ikusi zituzten bost-sei lagun, neska eta mutiko, bere etxearen atarian kantatzen, eta haietarik batek pregonatzen omen zuen uhiuka:

Erosi, erosi ezazue Lurdesesko Ama Birjiñaren eskapularioak.."

Baina Eujeñik eta koxemarik ez zuten aterik edeki pentsatuz Lurdeseko Ama Birjiñaren eskapularioak egunaz saltzen direla izatekotan, eta gauaz hola ibiltzen den jendea, bertze jende klase izanen dela.

Esan behar dugu baita ere, duela lauhun urte, gure sorgin zaharren denboretan, esaten zuten haiek etxetan sartzen zirela tximinitik behiti. Bon, orain, garai moderno hauetan, iduri du teknika hauek aldatu direla, zeren tximinitik sartu beharrean, orain telefonoaren bidez sartzen omen dire. Bai, bai, hala da. Bat baina gehiagok errezibitu dute gauaren erdian dei bat, ez omen da izitzeko gauza, bainahala ere...

Lehenbizian esan dugun bezala, guk ez degu deus segur esan nahi, baina badakigu lehengo sorgin zaharren ondoan (Barretxeko Graziana, Sansineko Joanes, Goiburuko Miguel...) orain ere hasi direla izen batzuk aditzen (Andres Barrantx, Iñaki Sansin, Pedrit Beretxe, Daniel Bordakotx, Txutxu Iruin, Axun Martinez..)

Zugarramurdi, 1986ren Maiatza.

AHOLKUAK

8.- Ama izan behar duenak ongi elikatu behar du. Zure osasunerako eta zure haurrarendako egunero 3 otordu egin ezazu ordu berean. Janariak era anitzetakoak eta elikagai naturalez prestatuak izan behar dute.

Lehen minak agertu bezain laister amategi-
ra joan zaitez.

A black and white photograph of a newborn baby lying down, looking towards the camera. The baby is positioned on its side, with its head resting on a soft surface. The lighting is soft, highlighting the baby's features. The image is framed by a dark border.



Baziren aspaldian, haur batzuk eta talde bat egitea erabaki zuten. Haur haiek ez ziren besteak bezalakoak, ez ziren eskolara joaten eta umezurtzak ziren. Taldea egin ondoren nola ez zuten izenik, banatzen hasi ziren.

Lehenengoa Xabier, bigarrenak Jon, hirugarrenak Pepe, laugarrenak Ainhoa eta bostgarrena Iziar eta kapitaina Xabier zen, Iziarrek gauza bat pentsatu eta esan zuen:

- Lehenengo gauza ama eta aita izatea da.

Eta segiduan amak eta aitak bilatu zituzten. Ondoren lagun gehiago egin zituzten, eskolara joaten ziren, etxea bazuten eta jostailuak ere bai.

Egun batetan gauza harrigarri bat gertatu zen, Ainhoaren ama hil egin zen eta dena lehen bezala gelditu zen. Baina, haur haiek buru ona bait zuten, beste andere bat hartu zuten Ainhoarentzat.

Egun batez haur egalari bat agertu zen, haur Espiritua zen eta neska gainera, gero galdetu zien:

- Zuek nor zarete? Ni haur espiritua naiz.

Haur denek harrituta geratu ziren baina kapitaina Xabier, denetan burutsuena eta argitsuena zenak galdetu zion:

- Nor zara zu? Gu haur talde bat gara.

Eta haur espirituak esan zion:

- Lehenago esan dizudan bezala, ni haur espiritua naiz.

Bueno, dena bare-bare zegoenean heuren bihotzetan, alaitasun berezi bat agertu zen eta handik aurrera haur eta ume onak izanik, handitzen eta handitze joan ziren eta etxetik alde egiteko garaia ailegatu zen, alegia, dirua irabazteko garaia.

Atera ziren etxetik eta aita eta amak utzi egin zituzten, pena ematen zien baina horrela zen. Gero egun hotzak ailegatu zirenean denak desagertu ziren eta handik aurrera ez dugu haien gorputzik eta hezurrik ikusi.

Mertxe Mariezkurrena
Doneztebeko, Eskola 5. maila



Jon Leku
Egilea.



**N a f a r r o a -
k o**

Bertso- lari



Txapelketa

Finala Donezteben jokatu zen eta bertsolari hauek hartu zuten parte: J. F. Ar-

NAFARROAKO BERTSOLARI TXAPELKETA

Finala Donezteben jokatu zen eta bertsolari hauek hartu zuten parte: J. F. Arginarena, J.M. Argiñarena, M. Taberna, B. Azpillaga, J.P. Mendiburu, T. Ezponda, M. Aire "Xalbador" eta E. Alkat.

Bertsolari hauek maila onean aritu ziren, Txapela berriz, J.F. Argiñarenak eramanean.

Hara hemen Jon Sarasuak Nafarroako bertsoari eskeintzen dien bertsoak:

NAFARROAKO BERTSOLARITZARI

Jon Sarasua

1.

Bertsolaritza hartzen ari da
indarra eta kemena
ba da toki bat olatu hori
harrapatu nahi duena .
sorta honetan aipatu nahi dut
Nafarroaren izena
besteekin bat gure jolasa
berrindartzen ari dena

2.


Bertsotarako zaletasuna
urte askotan eutsia
txapelketaren ohiartzun honek
badu bere garrantzia
bada txapel bat urterik urte
trebeenari utzia
aurtengo urtez ohore handiz
Argiñarenak jantzia

3.

Txapeldun dena ez da txaloa
merezi duen bakarra
denen artean osatzen baita
landarearen zuztarra
urtero gorde egin dezute
beharrezko den sugarra
hor ikusten da lurralde hortan
bertsoak duen indarra

4.

Kanpo giroak ez direnean
komeni bezin zuzenak
atera behar izaten dira
ahaleginik handienak
horrela landu bait dituzue
zuen gogo-ahalmenak
nere partetik har itzazue
zorionik beroenak







5.

Nafarrekek eta
Baxenafarrekek
jarri dute oinarria
batasunean joan ditezen
bertsoa eta herria
bertsolaritzan elkar hartuaz
hortxe daukate jarria
hegoaldea iparrarekin
lotzen duen lokarria



6.

Tamalez, hemen bota ezker
ingurura begirada
gure herrian suma liteke
erdal joeran bolada
halere zuek segi ematen
kultura honi bultzada
bertsoa ere biziko baita
euskara salbatzen bada.



Aingeru

Beltza

Mendian nabil bakarrik.
Ez dut oinkatzen nik nahi haina,
baina hala ere, pake eder hau
beharrezkoa dut tarteka.
Benetan, mendia dut maite.

Goitik behera noa eta....
zer edo nor ikusten dut erreka bazterrean...
hurbildu naiz eta.. neska lirain eder bat,
enbor batean eserita nere aurrean.
Begiratu dut eta keinu ttiki bat
bidali dit, irri egiten duelarik.


Ondoan eseritzen naizen bitartean,
ikusi ditut, baina zer ikusi dut...
ze begiak, nahiko mutur beltza, baina ze neska...

Iluntzea doa eta zutik gaudela,
eskuak elkarturik, herrira inguratzen hasi gara.
Nik mendia dut maite. Nola ez ba, hemen
bakardadearen poza berezia nabari da eta.
Baina nola bakardadea, horrelako aingeruak direlarik?

Mendia maite dudanez, bertan sortutako
aingerua nola ez?.
Zein erreza den horrelako
aingerua maitatzea...

Bizkarreko minez eta hotzez ernatu naiz eta...
arraioa, nun dago nere aingeru zoragarria?
M m m m... amets egin dut, baina ametsetan
nagoela, ez ote naiz bizi?.

Bai bai bai... zalantzarik gabe bizi naizela,
eta nolako bizia gainera.
Esker mila, nere mendi maitea...
Gorde zaidazu nere aingeru zoragarria.



Lotsati

